

## Риёзус солиҳийн шарҳи / Риёзус солиҳийн шарҳи / 749-ҳадис

749 - وَعَنْ جَابِرِ رَضِيَ اللَّهُ عَنْهُ: أَنَّ النَّبِيَّ صَلَّى اللَّهُ عَلَيْهِ وَسَلَّمَ سَأَلَ أَهْلَهُ الْأُدْمَ فَقَالُوا: مَا عِنْدَنَا إِلَّا حَلٌّ، فَدَعَا بِهِ، فَجَعَلَ يَأْكُلُ وَيَقُولُ: «نِعْمَ الْأُدْمُ الْحَلُّ، نِعْمَ الْأُدْمُ الْحَلُّ». رَوَاهُ مُسْلِمٌ [2052].

749. Жобир розияллоху анхудан ривоят қилинади:

«Набий соллаллоху алайҳи васаллам аҳлияларидан нонхуруш сўрадилар. Улар: «Сиркадан бошқа ҳеч нарсамиз йўқ», дейишди. У зот уни келтиришни сўрадилар-да, уни ея бошлаб, «**Нонхурушларнинг яхшиси сиркадир, нонхурушларнинг яхшиси сиркадир**», дер эдилар.

*Имом Муслим ривоятлари.*

**Шарҳ:** Пайғамбар соллаллоху алайҳи васаллам нақадар содда ва камтарона ҳаёт кечирганлар! Сарвари оламнинг уйларида нонга қўшиб хуруш қилиш учун сиркадан бошқа нарса йўқ. У зот бориға шукр қилиб:

«**Сирка қандоқ ҳам яхши хуруш! Сирка қандоқ ҳам яхши хуруш!**» деб сиркани мадҳ қилиб овқатланмоқдалар. Бунда сиз билан биз, У зотнинг умматларига катта ўрнак бор. Демак озгина егулик нарса олиб келинса ҳам уни мақтаб қўйишнинг маҳбублиги келиб чиқмоқда.

Манба: [hadis.islom.uz](http://hadis.islom.uz)



HADIS.ISLOM.UZ  
HUBUVVAT MARVARIDLARI

